

BOSNA I HERCEGOVINA  
PARLAMENTARNA SKUPŠTINA  
PREDSTAVNIČKI DOM

Komisija o međunarodnim i vanjskim pitanjima  
Broj: 01 / 2-205 / 99  
Sarajevo, 27.10.1999 godine

Bosna i Hercegovina  
**PARLAMENTARNA SKUPŠTINA**  
BOSNE I HERCEGOVINE  
SARAJEVO

Priljeno: 27.10.99

Org. jed.	Broj	Prilog	Vrijednost

ZAPISNIK

sa 7. sjednice Komisije o međunarodnim i vanjskim pitanjima  
Predstavničkog doma Parlamentarne skupštine  
Bosne i Hercegovine  
održane 27.10.1999 godine

Na osnovu člana 5. tačke 7. Privremenog Poslovnika o radu Predstavničkog doma Parlamentarne skupštine Bosne i Hercegovine, gospodin Branko Dokić, Predsjedavajući Komisije sazvaio je 7. sjednicu Komisije o međunarodnim i vanjskim pitanjima Predstavničkog doma Parlamentarne skupštine Bosne i Hercegovine.

Sjednici su prisustvovali: g. Branko Dokić, g. Ibrahim Spahić, g. Ivo Divković, g. Safet Oručević, g. Dragan Mirković, g-dja Desanka Radjević i g. Adnan Jahić.

Odsutni su bili g. Zlatko Lagumdžija i gospodin Ivo Lozančić. g. Lozančić je opravdao izostanak.

Za sjednicu je usvojen slijedeći

DNEVNI RED

1. Usvajanje zapisnika sa sjednice Komisije održane 17.09.1999 godine;
2. Osvrt na realizaciju Rezolucije o evropskim integracijama i Parktu o stabilnosti za Jugoistočnu Evropu, koju je Parlamentarna skupština Bosne i hercegovine usvojila 27. jula 1999 godine;
3. Kratki Izvještaj g. Branka Dokića, predsjedavajućeg Parlamentarne delegacije koja je bila u posjeti Komisiji za međunarodne odnose Parlamenta Njemačke, u periodu 28-30 septembra 1999 godine;
- 4 Pregled prispjelih poziva upućenih Parlamentanoj skupštini Bosne i Hercegovine;
5. Razno

ZAKLJUČCI

AD 1.

Komisija je usvojila zapisnik sa prethodne sjednice Komisije, održane 17.09.1999 godine.

AD 2.

Na inicijativu g. Ibrahima Spahića u pogledu obaveze periodičnog razmatranja ispunjenja obaveza kako Parlamentarne skupštine BiH tako i drugih državnih i entitetskih institucija, a sadržanih u Rezoluciji Parlamentarne skupštine Bosne i Hercegovine od 27.jula 1999 godine, usvojen je zaključak da gospodin Ibrahim Spahić pripremi osvrt na realizaciju obaveza za narednu sjednicu Komisije.

Komisija je konstatovala potrebu mobilizacije svih kako državnih tako i entitetskih institucija koje su nadležne za ispunjenje uslova za prijem Bosne i Hercegovine u Vijeće Evrope, pogotovo zbog najavljenog dolaska (09-11. novembra ) Izvjetilaca Vijeća Evrope, g. Petera Bloetzer i g-dje Anneli Jaatteenmaki ponovo u BiH kako bi prisustvovali narednoj sjednici Predstavničkog doma Parlamentarne skupštine BiH.

Takodje je konstатовana potreba da pored Parlamentarne skupštine BiH, za narednu sjednicu ovog Doma, Predsjedništvo, Vijeće Ministara, Vlade Federacije i Republike Srpske, odnosno, njihova resorna ministarstva dostave izvještaje o realizaciji uslova za prijem u Vijeće Evrope.

AD 3.

Gospodin Branko Dokić, predsjedavajući Parlamentarne delegacije Bosne i Hercegovine koja je na poziv Komisije o međunarodnim odnosima Parlamenta Njemačke, boravila u Berlinu, u periodu 28-30 septembra 1999 godine, usmeno je izvjestio članove Komisije o susretima i sadržaju razgovora koji su vodjeni u toku posjete, te obavijestio Komisiju da će iscrpan izvještaj o obavljenoj posjeti, dostaviti do naredne sjednice Komisije.

Komisija je usvojila zaključak da se Predsjedavajućem Komisije za međunarodne odnose Njemačkog Parlamenta uputi pismo u zahvalnosti na dobroj organizaciji posjete i korisnim razgovorima koji su vodjeni tom prilikom i poziv za uzvratnu posjetu u periodu od kraja novembra do prve polovine decembra ove godine.

AD 4.

4.1.

Nakon razmatranja poziva Parlamenta Slovenije na učešće u radu međunarodne parlamentarne Konferencije koja se organizira u saradnji Parlamenta Švedske, u Ljubljani, 2. i 3. novembra 1999 godine, na temu " Slovenija i druge države aplikanti za ulaz u Evropsku Uniju- uloga parlamenata u procesu proširenja EU." Komisija je usvojila stav o potrebi učešća 2 do 3 poslanika Parlamentarne skupštine Bosne i Hercegovine.

4.2.

Na poziv upućen za učešće u radu Konferencije IPU i WTO, Rio de Janeiro, 24-26 novembar 1999 godine.

Komisija o međunarodnim i vanjskim pitanjima je na sjednici održanoj jula 1999 godine usvojila zaključak o potrebi učešća bh parlamentarne delegacije u IPU te i ovaj put predložila da Konferenciji prisustvuje g. Dragan Mirković.

4.3.

Na Poziv Parlamenta Francuske upućen gospodinu Mirku Banjcu, Predsjedavajućem Predstavničkog doma Parlamentarne skupštine Bosne i Hercegovine, na učešće u radu interparlamentarnog Foruma, koji se održava u Parizu u srijedu, 24 novembra 1999 godine, na temu: "Balkan: od stabilnosti do rekonstrukcije" Komisija je zaključila potrebu da se urgentno uputi potvrđan odgovor na poziv.

4.4.

Nakon razmatranja poziva Interparlamentarne Unije i UNESCO, koji u saradnji sa UN Odjelom za unapređenje žena organiziraju u Parizu, 1-3 decembra, Forum na temu: "Prospekti demokratije: Uloga žena", Komisija je konstatovala da mada IPU Grupa BiH nema žena članica, da je potrebno da ovom Forumu obavezno prisustvuju žene parlamentarci i predložila da to budu: g-dja Mediha Filipović, g-dja Desanka Radjević i g-dja Ana Havel.

4.5.

Konferencija predsjednika parlamenata zemalja članica Vijeća Evrope, 5. i 6. maj 2000. godine.

Konferencija će biti posvećena temi "Komplementarne uloge nacionalnih parlamenata i Parlamentarne skupštine Vijeća Evrope u oblikovanju velike demokratske Evrope".

Komisija je primila na znanje da su Predsjedavajući oba Doma Parlamentarne skupštine Bosne i Hercegovine uputili odgovor Lordu Russell-Johnstonu, Predsjedniku Parlamentarne skupštine Vijeća Evrope u kojem su prihvatili poziv.

4.6.

Razmatrajući poziv CEI- na sastanak Predsjednika parlamentara zemalja članica CEI, koji će se održati 24-26 mart 2000. godine u Varšavi, Komisija je usvojila stav o potrebi prihvatanja poziva od strane Predsjedavajućih oba Doma Parlamentarne skupštine Bosne i Hercegovine na ovaj skup.

4.7.

Komisija je razmatrala poziv Predsjednika Narodne Skupštine Francuske, g. Laurent Fabius-a upućeno Predstavničkom domu Parlamentarne skupštine BiH u kojem se poziva parlamentarna delegacija BiH u posjetu Parlamentu Francuske.

Konstatirajući značaj uspostavljanja i njegovanja tješnje međuparlamentarne saradnje i njegovanja dijaloga između dvije zemlje, Komisija je usvojila zaključak o potrebi odazivanja na poziv i predložila da se zajedno sa Kolegijem Predstavničkog doma urgentno odredi delegacija koja će putovati u posjetu Francuskom Parlamentu.

AD 5. Razno

5.1. Prihvaćena je inicijativa g. Ibrahima Spahića, prvog zamjenika Predsjedavajućeg Komisije da se od Ministarstva vanjskih poslova Bosne i Hercegovine zatraži potvrda u pismenoj formi da je Rezolucija Parlamentarne skupštine Bosne i Hercegovine o

evropskim integracijama i Paktu o stabilnosti za jugoistočnu Evropu dostavljena svim međunarodnim organizacijama, institucijama, stranim DKP-ima koji su navedeni u našem dopisu br. 01 / 2-45- 90/99 od 28. jula 1999 godine.

5.2. Prihvaćena je inicijativa g. Ibrahima Spahića da se ubuduće izvještaji parlamentarnih delegacija po povratku u BiH prethodno dostavljaju Komisiji na razmtranje.

5.3. Gospodin. Ibrahim Spahić je podnio usmeno izvještaj o boravku u Berlinu o učešću u radu 102. Konferencije Interparlamentarne Unije. Obavijestio je Komisiju da će pismeni izvještaj dostaviti za naredni sastanak Komisije.

Sekretar Kimisije

Suada Karović,s.r.

Predsjedavajući Komisije

  
Branko Dokić